

«Հայաստանի հանրային հեռուստաընկերություն» փակ բաժնետիրական ընկերությունը (այսուհետ՝ Պատվիրատու), ի դեմս գործադիր տնօրեն Հովհաննես Մովսիսյանի, ով գործում է ընկերության կանոնադրության հիման վրա, մի կողմից, և

«Բեգրաունդ փրոդաքշն» սահմանափակ պատասխանատվությամբ ընկերությունը (այսուհետ՝ Կատարող), ի դեմս տնօրեն Վազգեն Պողոսյանի, ով գործում է ընկերության կանոնադրության հիման վրա, մյուս կողմից, (այսուհետ յուրաքանչյուրն առանձին՝ Կողմ, միասին՝ Կողմեր), ստորագրեցին սույն պայմանագիրը (այսուհետ՝ Պայմանագիր) հետևյալի մասին.

### 1. ՊԱՅՄԱՆԱԳՐԻ ԱՌԱՐԿԱՆ ԵՎ ԸՆԴՀԱՆՈՒՐ ՊԱՅՄԱՆՆԵՐԸ

- 1.1. Սույն Պայմանագրով Կատարողը պարտավորվում է Պայմանագրով սահմանված կարգով և Կողմերի կողմից համաձայնեցված ձևաչափով և եղանակով մատուցել Մանկական Եվրատեսիլ 2022» երգի միջազգային 20-րդ հորեյլանական մրցույթի (այսուհետ նաև՝ Մրցույթ) շրջանակներում 2022 թվականի դեկտեմբերի 05-ին Հայաստանի Հանրապետության հրապարակում կայանալիք՝ մրցույթի մասնակիցների կողմից կարմիր գորգով անցնելու պաշտոնական արարողության (RED CARPET EVENT, այսուհետ՝ Միջոցառում) կազմակերպման աջակցման ծառայությունները, իսկ Պատվիրատուն պարտավորվում է ընդունել մատուցված Ծառայությունները և վճարել դրանց դիմաց՝ սույն Պայմանագրով սահմանված կարգով, չափով և ժամկետում:
- 1.2. Կողմերն արձանագրում են, որ Միջոցառման բնութագիրը, այդ թվում նաև Միջոցառման հարթակի նախնական էսքիզը սահմանվում են սույն Պայմանագրի Հավելված 1-ով:
- 1.3. Կողմերն արձանագրում են, որ Ծառայությունների մատուցումը չի հանգեցնում Կատարողին՝ Միջոցառման և/կամ Մրցույթի նկատմամբ իրավունքների փոխանցման, և որ Միջոցառումը կազմակերպվում է բացառապես Պատվիրատուի պատվերով:
- 1.4. Կողմերն արձանագրում են, որ Պատվիրատուն պարտավորվում է աջակցել Կատարողին և ապահովել երրորդ անձանցից բոլոր անհրաժեշտ համաձայնությունների, թույլտվությունների ձեռքբերումը և (կամ) նրանց հետ պայմանագրերի ստորագրումը և այլ անհրաժեշտ գործողությունների իրականացումը, որը պահանջվում է կիրառելի օրենսդրությամբ Միջոցառման պատշաճ կազմակերպման համար:
- 1.5. Կատարողը պարտավոր է ապահովել, որպեսզի Միջոցառումը կազմակերպվի ՀՀ օրենսդրությամբ գործող՝ դրա նկատմամբ կիրառելի պահանջներին համապատասխան:
- 1.6. Սույն Պայմանագրով սահմանված Ծառայությունները մատուցվում են Պայմանագրի կնքման օրվանից մինչև 2022 թվականի դեկտեմբերի 05-ը ներառյալ: Սույն Պայմանագրով մատուցվելիք Ծառայությունների շրջանակներում ընդգրկվող առանձին գործողությունների կատարման ձևաչափը, եղանակները, ժամկետները (այդ թվում նաև Միջոցառման անցկացման վայրում տեղադրված տեխնիկական և այլ միջոցների ապամոնտաժման ժամկետները) Կողմերի կողմից համաձայնեցվում են Կողմերի՝ սույն Պայմանագրի կատարման համար պատասխանատու ներկայացուցիչների միջև տեղեկությունների փոխանակման միջոցով:
- 1.7. Հաշվի առնելով այն հանգամանքը, որ «Մանկական Եվրատեսիլ 2022» երգի միջազգային մրցույթի անցկացման կապակցությամբ կարող են սահմանվել լրացուցիչ պարտավորություններ մրցույթի անցկացման հետ կապված՝ Կատարողը պարտավորվում է առանց լրացուցիչ համաձայնություն տրամադրելու այդ բոլոր պարտավորությունները ստանձնել այն նույն ծավալով, որ ծավալով կսահմանվեն Պատվիրատուի համար, պայմանով, որ դրանք լինեն ողջամիտ, չառաջացնեն լրացուցիչ ֆինանսական ծախսեր Կատարողի համար և վերաբերեն սույն Պայմանագրով Կատարողի ստանձնած պարտավորություններին: Լրացուցիչ պարտավորությունների մասին Պատվիրատուն պարտավորվում է Կատարողին ծանուցել անհապաղ, որոնք ուժի մեջ են մտնում Կատարողի համար դրանց մասին ծանուցվելու պահից, եթե այլ բան չի բխում տվյալ ծանուցումներից:
- 1.8. Կողմերը երաշխավորում և հավաստում են, որ իրավասու են ստորագրելու սույն Պայմանագիրը և ունեն սույն Պայմանագիրը կատարելու համար բոլոր անհրաժեշտ իրավունքները, թույլտվությունները, համաձայնությունները և միջոցները:

## 2. ՄԻՋՈՑԱՌՄԱՆ ՀԱՆՁՆՄԱՆ-ԸՆԴՈՒՆՄԱՆ ԿԱՐԳԸ

- 2.1. Ծառայությունների հանձնում-ընդունումն արձանագրվում է Կատարողի կողմից ներկայացվող հանձնման-ընդունման ակտի հիման վրա: Հանձնման-ընդունման ակտի հետ միասին Կատարողը Պատվիրատուին է ներկայացնում նաև իր կողմից հաստատված հաշիվ-վավերագիրը/հարկային հաշիվը: Ընդ որում, Կողմերն արձանագրում են, որ Միջոցառման դիմաց վճարման համար հաշիվ-վավերագիրը/հարկային հաշիվը Կատարողի կողմից դուրս է գրվում և Կատարողի հաստատումով ներկայացվում է Պատվիրատուին միայն վերջինիս կողմից Պայմանագրի 2.2. կետով սահմանված հաշվետվությունները Պայմանագրով սահմանված կարգով հաստատելուց հետո:
- 2.2. Միջոցառման հանձնումն արձանագրող հանձնման-ընդունման ակտի հետ միաժամանակ Կատարողը պարտավոր է Պատվիրատուին ներկայացնել սույն Պայմանագրի Հավելված 2-ով նախատեսված նախահաշվում կամ ծախսային ուղղությունները փոփոխելու մասին Կողմերի միջև գրավոր ստորագրված համաձայնությամբ նշված ծախսերի փաստացի կատարումը հիմնավորող պատշաճ փաստաթղթեր: Սույն կետով սահմանված կարգով փաստաթղթերի ներկայացման հետ միաժամանակ Կատարողը Պատվիրատուին է տրամադրում սույն Պայմանագրի Հավելված 3-ում նշված ձևով լրացված հաշվետվությունը: Ընդ որում սույն կետով սահմանված կարգով ներկայացված փաստաթղթերը պետք է համապատասխանեն Հարկային օրենսգրքի 55-րդ հոդվածի պահանջներին, իսկ սույն Պայմանագրի Հավելված 2-ում կամ ծախսային ուղղությունները փոփոխելու մասին Կողմերի միջև գրավոր ստորագրված համաձայնությամբ նշված այն ծախսերի փաստացի կատարումը, որոնք ձեռք են բերվել ֆիզիկական անձանցից ծառայությունների մատուցման կամ աշխատանքային պայմանագրի շրջանակներում, հիմնավորելու համար Կատարողը ի թիվս համապատասխան պայմանագրի և հանձնման-ընդունման ակտի պարտավորվում է ներկայացնել նաև հաշվետու ժամանակահատվածում եկամտային հարկի հաշվարկները: Ընդ որում, հանձնման-ընդունման ակտը Պատվիրատուն պարտավորվում է հաստատել սույն կետով սահմանված փաստաթղթերը հաստատելուց հետո՝ 10 (տասը) աշխատանքային օրվա ընթացքում, իսկ Պատվիրատուի կողմից Կատարողի ներկայացրած փաստաթղթերի պատշաճությունն ու հիմնավորվածությունը գնահատվում է դրանք ներկայացնելուց հետո՝ 10 (տասը) աշխատանքային օրվա ընթացքում:
- 2.3. Այն դեպքում, եթե Պատվիրատուն չի հաստատում հանձնման-ընդունման ակտը սույն Պայմանագրով սահմանված ժամկետում և Կատարողին չի ներկայացնում դրա հիմնավորումը, ապա Պատվիրատուն կրում է պարտավորություն սույն կետով նախատեսված ժամկետին հաջորդող առաջին իսկ աշխատանքային օրը հաստատելու Կատարողի կողմից ներկայացված հանձնման-ընդունման ակտը և հաշիվ-վավերագիրը/հարկային հաշիվը ու Պայմանագրով սահմանված ժամկետում վճարելու դրանով նախատեսված գումարը:
- 2.4. Սույն Պայմանագրի 2.2 կետով նախատեսված փաստաթղթերը, հաշվետվությունը չներկայացնելու կամ թերի (ոչ պատշաճ, ոչ հիմնավոր) ներկայացնելու դեպքում Պատվիրատուն չի վճարում հանձնման-ընդունման ակտով նախատեսված գումարը, այն մասով որով չի ներկայացվել կամ թերի է ներկայացվել համապատասխան ծախսի կատարումը: Պատվիրատուի կողմից համապատասխան ծախսը կհամարվի չհիմնավորված: Այն դեպքում, երբ սույն կետում նշված ոչ հիմնավոր ծախսը գումարային արտահայտությամբ մեծ է Կատարողին վճարման ենթակա գումարից, ապա այդպիսի ծախսերն ամբողջությամբ կհամարվեն չհիմնավորված և Կատարողը պարտավոր կլինի Պատվիրատուին վերադարձնել ստացված գումարների այն մասը, որը գերազանցում է չվճարված մասին՝ համապատասխան պահանջը ներկայացնելու օրվանից 15 (տասնհինգ) օրվա ընթացքում: Փաստաթղթերի՝ սույն կետով սահմանված պատշաճությունը և հիմնավորվածությունը որոշում/գնահատում է Պատվիրատուն:
- 2.5. Եթե Կատարող ընկերությունը Պատվիրատուին՝ Միջոցառման կազմակերպման կապակցությամբ մատուցվող Ծառայությունների 50 (հիսուն) տոկոս և ավելի մասը չի իրականացնում անձամբ, ապա պարտավոր է դրա մասին մինչև Պայմանագրի կնքումը տեղեկացնել Պատվիրատուին: Սույն կետով սահմանված դեպքում Կատարողը պարտավորվում է ծախսերը հիմնավորող փաստաթղթերի հետ միասին ներկայացնել նաև ծառայությունների մատուցմանը ներգրավված երրորդ անձանց կողմից իրականացված ծախսերը հիմնավորող փաստաթղթերը:
- 2.6. Կողմերն արձանագրում են, որ այն պարագայում, երբ Կատարող ընկերությունը ՀՀ օրենսդրության համաձայն հանդիսանում է ԱԱՀ վճարող ընկերություն, Պայմանագրի Հավելված 3-ով սահմանված փաստացի ծախսերը հիմնավորող հաշվետվությունները Կատարողի կողմից Պատվիրատուին ներկայացնելիս վերջինիս կողմից հաշվի է առնվում այն, որ Պայմանագրի արժեքի շրջանակներում հաշվարկված ԱԱՀ-ն չի կարող ուղղվել, այդ թվում նաև հաշվանցվել՝ Կատարողի կողմից սույն Պայմանագրի շրջանակներից դուրս իրականացվող գործունեության նպատակով: ԱԱՀ-ի գծով լրացուցիչ

հատկացումները որպես հարկային պարտավորություն ենթակա են վճարման Կատարողի կողմից որպես ԱԱՀ, հակառակ դեպքում, ենթակա են վերադարձման Պատվիրատուին:

- 2.7. Կողմերն արձանագրում են, որ բոլոր այն դեպքերում, երբ սույն Պայմանագրի 2.2 կետի հիման վրա Կատարողը որպես ծախսերի կատարումը հիմնավորող փաստաթուղթ ներկայացնում է հսկիչ դրամարկղային կտրոն կամ միակողմանի գնման ակտ, որոնցում չի ներառվում գնորդի ՀՎՀՀ-ն, գնման առարկան, քանակը, ԱՏԳԱԱ կոդը կամ գնումը (ապրանքների կամ ծառայությունների) նույնականացնող այլ տվյալներ, Կատարողը պարտավորվում է ներկայացնել իր կողմից հաստատված գնման մանրամասներին վերաբերող բացվածք, որի հավաստիության համար պատասխանատվություն է կրում ՀՀ օրենսդրությամբ սահմանված կարգով:
- 2.8. Սույն Պայմանագրի 2.2. կետով սահմանված դեպքերում Կատարողը Պատվիրատուին է տրամադրում փաստաթղթերի լուսապատճենները Կողմերի՝ սույն Պայմանագրի կատարման համար պատասխանատու ներկայացուցիչների միջև համաձայնեցված կարգով: Ներկայացված փաստաթղթերի՝ Պատվիրատուի կողմից հավաստիության՝ պատշաճության և հիմնավորվածության գնահատման ընթացքում Պատվիրատուն իրավունք ունի նաև պահանջել ներկայացնել փաստաթղթերի բնօրինակները, որոնք Պատվիրատուի կողմից դիտարկվելուց հետո վերադարձվում են Կատարողին:
- 2.9. Եթե Կատարողը Պատվիրատուի կողմից չհիմնավորված ծախսերի մասին տեղեկանալուց հետո 5 (հինգ) աշխատանքային օրվա ընթացքում ներկայացնում է համապատասխան ծախսերի կատարումը հիմնավորող փաստաթղթերը, ապա կախված ներկայացված փաստաթղթերով հիմնավոր համարված ծախսերի ծավալից Պատվիրատուն կա՛մ վճարում է Կատարողին վճարման ենթակա ամբողջ գումարը, կա՛մ ձեռնարկում է սույն Պայմանագրի 2.4. կետով սահմանված միջոցները: Կատարողը սույն կետով սահմանված իրավական հնարավորությունից կարող է օգտվել միայն մեկ անգամ:
- 2.10. Կողմերն արձանագրում են, որ սույն Պայմանագրի 2.4. կետով սահմանված հիմքով Պատվիրատուի կողմից Կատարողին վճարում չկատարելու դեպքը չի անդրադառնում սույն Պայմանագրով սահմանված Ծառայությունները մատուցելու Կատարողի պարտավորության վրա:

### 3. ԿՈՂՄԵՐԻ ԻՐԱՎՈՒՆՔՆԵՐԸ ԵՎ ՊԱՐՏԱԿԱՆՈՒԹՅՈՒՆՆԵՐԸ

- 3.1. **Պարվիրատուն իրավունք ունի՝**
  - 3.1.1. Կատարողից պահանջել սույն Պայմանագրով նախատեսված Ծառայությունները մատուցել ամբողջությամբ, պատշաճ որակով և սահմանված ժամկետներում,
  - 3.1.2. Հետևել Ծառայությունների մատուցման ընթացքին և որակին՝ առանց միջամտելու Կատարողի գործունեությանը՝ պահանջելով տրամադրել Ծառայությունների մատուցման ընթացքի և որակի վերաբերյալ Պատվիրատուին հետաքրքրող տեղեկատվությունը,
  - 3.1.3. Սույն Պայմանագրով իր ակնկալած արդյունքին հասնելու նպատակով Կատարողին տալ Ծառայությունների մատուցմանը վերաբերելի ողջամիտ ցուցումներ,
  - 3.1.4. Պահանջել Կատարողից աջակցել Պատվիրատուին Ծառայությունների մատուցման ընթացքը և որակը ստուգելիս, ինչպես նաև Ծառայություններն ընդունելիս,
  - 3.1.5. Միակողմանիորեն լուծել սույն Պայմանագիրը և Կատարողից պահանջել հատուցել Պատվիրատուին պատճառված վնասները, եթե՝
    - I. Կատարողը խախտել է սույն Պայմանագրի Հավելված 1-ով սահմանված Միջոցառման բնութագիրը և ողջամիտ ժամկետում իր հաշվին չի շտկել նշված թերությունը կամ խախտման բնույթից ակնհայտ է, որ այն չի կարող շտկվել ողջամիտ ժամկետում,
    - II. Կատարողը սույն Պայմանագրով սահմանված ժամկետներում չի մատուցել Ծառայությունները,
    - III. Կատարողն այլ կերպ թույլ է տվել սույն Պայմանագրի էական խախտում:
- 3.2. **Պարվիրատուն պարտավոր է՝**
  - 3.2.1. Ողջամտության սահմաններում Կատարողին ապահովել սույն Պայմանագրով սահմանված Ծառայությունների մատուցման համար անհրաժեշտ բոլոր պայմաններով, այդ թվում, բայց չսահմանափակվելով, նշանակել Պայմանագրի կատարման համար պատասխանատու կոնտակտային անձ, ով Կատարողի հետ կհամաձայնեցնի Պայմանագրով առանձին գործողությունների իրականացման ժամկետները և այլն,
  - 3.2.2. Սույն Պայմանագրով նախատեսված կարգով և ժամկետում ընդունել սույն Պայմանագրին համապատասխան Կատարողի կողմից մատուցված Ծառայությունները, իսկ թերություններ հայտնաբերելու դեպքում՝ այդ մասին հայտնել Կատարողին,
  - 3.2.3. Վճարել Կատարողին մատուցված Ծառայությունների դիմաց՝ սույն Պայմանագրով սահմանված կարգով, չափով և ժամկետում:

### 3.3. **Կարարողն իրավունք ունի՝**

- 3.3.1. Ողջամտության սահմաններում Պատվիրատուից պահանջել ապահովել իրեն սույն Պայմանագրի կատարման համար անհրաժեշտ բոլոր պայմաններով,
- 3.3.2. Պատվիրատուից պահանջել սույն Պայմանագրով սահմանված կարգով և ժամկետում ընդունել պատշաճ մատուցված Ծառայությունները,
- 3.3.3. Պատվիրատուից պահանջել վճարել իր կողմից սույն Պայմանագրի պայմաններին համապատասխան ընդունված Ծառայությունների դիմաց՝ սույն Պայմանագրով սահմանված կարգով, չափով և ժամկետում:

### 3.4. **Կարարողը պարտավոր է՝**

- 3.4.1. Ինչպես սոցիալական մեդիա հարթակներում իր պաշտոնական էջերի միջոցով, այնպես էլ որևէ այլ հարթակներում առանց Պատվիրատուի նախնական գրավոր համաձայնության չտարածել որևէ տեղեկատվություն սույն Պայմանագրով մատուցվող Ծառայությունների վերաբերյալ, ներառյալ՝ Միջոցառման գաղափարի, դրա անցկացման ժամկետի, կամ Միջոցառմանը վերաբերող որևէ այլ հանգամանքի վերաբերյալ, ինչպես նաև երաշխավորել Ծառայությունների մատուցման գործընթացում աշխատանքային, ծառայությունների մատուցման կամ որևէ այլ պայմանագրի հիման վրա ներգրավված անձանց կողմից այդպիսի տեղեկատվության գաղտնիության պահպանումը,
- 3.4.2. Ծառայությունները մատուցել անձամբ, սեփական ուժերով և միջոցներով: Ծառայությունների մատուցմանը Կատարողի կողմից երրորդ անձանց ներգրավելը հնարավոր է միայն Պատվիրատուի նախնական գրավոր համաձայնությամբ,
- 3.4.3. Ծառայությունները մատուցել պատշաճ որակով, ՀՀ օրենսդրության պահանջներին, ինչպես նաև Ծառայությունների մատուցումը կարգավորող կիրառելի նորմերին, կանոններին և ստանդարտներին համապատասխան,
- 3.4.4. Ծառայությունները մատուցել ամբողջությամբ, իսկ արդյունքները Պատվիրատուին հանձնել՝ սույն Պայմանագրով սահմանված ժամկետներում և կարգով,
- 3.4.5. Միջոցառման սցենարի ցանկացած փոփոխություն համաձայնեցնել Պատվիրատուի հետ,
- 3.4.6. Հետևել սույն Պայմանագրի պայմանների սահմաններում Պատվիրատուի տված ողջամիտ ցուցումներին,
- 3.4.7. Աջակցել Պատվիրատուին Ծառայությունների մատուցման ընթացքը և որակը ստուգելիս, սույն Պայմանագրի 3.1.3 կետով սահմանված կարգով Պատվիրատուի համապատասխան պահանջը ստանալուց 1 (մեկ) աշխատանքային օրվա ընթացքում Պատվիրատուին տրամադրել Ծառայությունների մատուցման ընթացքի և որակի վերաբերյալ Պատվիրատուին հետաքրքրող տեղեկատվությունը,
- 3.4.8. Աջակցել Պատվիրատուին Ծառայություններն ընդունելիս,
- 3.4.9. Պատվիրատուի կողմից սահմանված ողջամիտ ժամկետում անհատույց վերացնել Ծառայությունների մատուցման արդյունքներում հայտնաբերված թերությունները,
- 3.4.10. Ամբողջությամբ հատուցել Միջոցառման կազմակերպման ընթացքում իր կողմից ՀՀ օրենսդրության պահանջների խախտման հետևանքով Պատվիրատուի կրած բոլոր վնասները,
- 3.4.11. Սույն Պայմանագրի կատարման ընթացքում լուծարման կամ սնանկացման գործընթաց սկսվելու դեպքում անմիջապես հայտնել Պատվիրատուին:

## 4. **ՊԱՅՄԱՆԱԳՐԻ ԱՐԺԵՔԸ ԵՎ ՎՃԱՐՄԱՆ ԿԱՐԳԸ**

- 4.1. Սույն Պայմանագրով նախատեսված Միջոցառման կազմակերպման ընդհանուր արժեքը՝ ներառյալ բոլոր կիրառելի հարկերը, սահմանվում է սույն Պայմանագրի Հավելված 1-ով՝ հիմք ընդունելով սույն Պայմանագրի Հավելված 2-ով նախատեսված նախահաշիվը:
- 4.2. Կողմերն արձանագրում են, որ Ծառայությունների մատուցման ընթացքում, արտադրական անհրաժեշտությունից ելնելով, սույն Պայմանագրի Հավելված 2-ով նախատեսված նախահաշիվի ծախսային ուղղությունները կարող են Կողմերի գրավոր համաձայնությամբ ենթարկվել փոփոխությունների, սակայն ոչ ավելի, քան Պայմանագրի Հավելված 2-ով հաստատված նախահաշիվ յուրաքանչյուր տողի 10 (տասը) տոկոսի չափով: Բոլոր դեպքերում, այդպիսի փոփոխությունների չափերը է հանգեցնեն սույն Պայմանագրի Հավելված 1-ով սահմանված ընդհանուր արժեքի ավելացմանը:

- 4.3. Սույն Պայմանագրի 4.1 կետով սահմանված գումարը Պատվիրատուն վճարում է Կատարողի բանկային հաշվեհամարին անկանխիկ փոխանցմամբ՝ համաձայն սույն Պայմանագրի Հավելված 1-ով սահմանված ժամանակացույցի:
- 4.4. Կողմերն արձանագրում են, որ բոլոր այն դեպքերում, երբ սույն Պայմանագրի Հավելված 1-ում նշված ժամանակացույցով նախատեսված է կանխավճարի վճարման Պատվիրատուի պարտականությունը, ապա Կատարողի կողմից Պայմանագրով սահմանված կարգով դուրս գրված հաշիվ-վավերագրով/հարկային հաշվով սահմանված գումարի կամ դրա մի մասի չվճարվումը չի համարվի խախտում ո՛չ Պայմանագրի, ո՛չ էլ կիրառելի օրենսդրության տեսանկյունից:
- 4.5. Վճարման ամսաթիվ է համարվում Պատվիրատուի բանկային հաշվից դրամական միջոցների ելքագրման ամսաթիվը:
- 4.6. Բանկային ծախսերը Պատվիրատուի բանկում կատարում է Պատվիրատուն, իսկ Կատարողի բանկում՝ Կատարողը:

## 5. ԿՈՂՄԵՐԻ ՊԱՏԱՍԽԱՆԱՏՎՈՒԹՅՈՒՆԸ

- 5.1. Կողմերը պատասխանատվություն են կրում սույն Պայմանագրով նախատեսված պարտականությունների չկատարման կամ ոչ պատշաճ կատարման համար:
- 5.2. Պատվիրատուի պահանջով Կատարողն իր հաշվին, իր միջոցներով և Պատվիրատուի կողմից սահմանված ողջամիտ ժամկետում պարտավոր է վերացնել մատուցված Ծառայություններում իր մեղքով տեղ գտած թերությունները: Նշված թերությունները Պատվիրատուի սահմանած ողջամիտ ժամկետում Կատարողի կողմից չվերացվելու դեպքում Պատվիրատուն իրավասու է Կատարողից գանձել տուգանք՝ Ծառայությունների ընդհանուր արժեքի 5 (հինգ) տոկոսի չափով, պահանջել իր կրած վնասների հատուցում և ըստ հայեցողության սույն Պայմանագրի 3.1.6 կետով սահմանված կարգով լուծել Պայմանագիրը:
- 5.3. Կատարողի կողմից սույն Պայմանագրով նախատեսված Միջոցառման կազմակերպման ժամկետների խախտման դեպքում Պատվիրատուն իրավունք ունի Կատարողից գանձելու տույժ՝ կետանցի յուրաքանչյուր օրվա համար Ծառայությունների ընդհանուր արժեքի 0,1 (զրո ամբողջ մեկ տասնորդական) տոկոսի չափով և ըստ հայեցողության սույն Պայմանագրի 3.1.5. կետով սահմանված կարգով լուծելու Պայմանագիրը:
- 5.4. Սույն Պայմանագրի 5.2. կետով նախատեսված տուգանքը, ինչպես նաև 5.3. կետով նախատեսված տույժը, կարող է հաշվարկվել և հաշվանցվել Կատարողին վճարման ենթակա գումարից:
- 5.5. Մատուցված Ծառայությունների դիմաց վճարելու սույն Պայմանագրով սահմանված ժամկետը խախտելու դեպքում Կատարողն իրավունք ունի Պատվիրատուից գանձելու տույժ՝ կետանցի յուրաքանչյուր օրվա համար վճարման ենթակա գումարի 0,1 (զրո ամբողջ մեկ տասնորդական) տոկոսի չափով, բայց ոչ ավելի քան վճարման ենթակա գումարի 5 (հինգ) տոկոսը:
- 5.6. Կողմերը արձանագրում են, որ սույն Պայմանագրի 2.4 կետի հիմքով Պատվիրատուի կողմից Կատարողին վճարման ենթակա գումարը չվճարելը կամ պատշաճ և վավեր փաստաթղթեր ներկայացնելուց հետո վճարելը չի համարվի սույն Պայմանագրի 5.5 կետի իմաստով վճարման ժամկետի խախտում, և տվյալ դեպքում սույն Պայմանագրի 5.5 կետով սահմանված տույժը չի հաշվարկվի և գանձվի:
- 5.7. Տուժանքների վճարումը չի ազատում Կողմերին սույն Պայմանագրով ստանձնած պարտականությունների ամբողջական կատարումից, եթե այլ բան նախատեսված չէ ՀՀ օրենսդրությամբ:
- 5.8. Սույն Պայմանագրով չնախատեսված դեպքերում Կողմերն իրենց պարտավորությունները չկատարելու կամ ոչ պատշաճ կատարելու համար պատասխանատվություն են կրում ՀՀ օրենսդրությամբ սահմանված կարգով:

## 6. ՖՈՐՍ-ՄԱԺՈՐ

- 6.1. Սույն Պայմանագրով պարտավորություններն ամբողջությամբ կամ մասնակիորեն չկատարելու համար Կողմերն ազատվում են պատասխանատվությունից, եթե դա եղել է անհաղթահարելի ուժի ազդեցության հետևանքով, որը ծագել է սույն Պայմանագիրը ստորագրելուց հետո, և որը Կողմերը չէին կարող կանխատեսել կամ կանխարգելել: Այդպիսի իրավիճակներ են ջրհեղեղը, հրդեհը, երկրաշարժը, փոթորիկը, սողանքը և բնական այլ աղետները, պայթյունը, պատերազմը, ռազմական և արտակարգ դրություն հայտարարելը, քաղաքացիական հուզումները, գործադուլները, հաղորդակցության միջոցների աշխատանքի դադարեցումը, համաճարակները, էմբարգոն, սույն Պայմանագրի էական պայմանները կարգավորող օրենսդրության փոփոխությունները, պետական մարմինների ակտերը և այլն, որոնք անհնարին են դարձնում սույն Պայմանագրով սահմանված պայմաններով պարտավորությունների կատարումը:
- 6.2. Կողմը, որի մոտ ծագել է ֆորսմաժորային իրավիճակ, պետք է առաջին իսկ հնարավորության դեպքում, սակայն ոչ ուշ, քան նման իրավիճակի վրա հասնելուց 10 (տասն) աշխատանքային օրվա ընթացքում

ծանուցի մյուս Կողմին նման իրավիճակի առաջացման, իսկ հետագայում նաև՝ բնականոն պայմանների վերականգնման մասին, հակառակ դեպքում կզրկվի ապագայում ֆորսմաժորային իրավիճակը որպես հիմնավորում օգտագործելու իրավունքից:

- 6.3. Ֆորսմաժորային իրավիճակի վերաբերյալ հանդիպակաց Կողմին ծանուցում ուղարկելու պահից Կողմի համապատասխան պայմանագրային պարտավորությունների կատարման պահանջը համարվում է կասեցված մինչև Պայմանագրի կատարման համար անհրաժեշտ պայմանների վերականգնումը:
- 6.4. Եթե արտակարգ ուժի ազդեցությունը շարունակվում է 2 (երկու) ամսից ավելի, ապա Կողմերից յուրաքանչյուրն իրավունք ունի լուծելու Պայմանագիրը՝ այդ մասին նախապես տեղյակ պահելով մյուս Կողմին:

## 7. ԳԱՂՏՆԻՈՒԹՅՈՒՆ

- 7.1. Սույն Պայմանագրի վերաբերյալ բանակցություններին կամ Պայմանագրի պայմաններին, այդ թվում՝ արժեքին, Պայմանագրից բխող գործողություններին առնչվող ողջ տեղեկատվությունը (այդ թվում՝ փաստաթղթերը), բացառությամբ զանգվածային տեղեկատվության միջոցներում առկա տեղեկատվության (եթե այդպիսին առկա է) և ՀՀ օրենսդրությամբ սահմանված Պայմանագրի պայմանների կամ դրանց մի մասի պարտադիր հրապարակման դեպքերի, գաղտնի է և չի կարող տրամադրվել որևէ երրորդ կողմի, բացառությամբ մյուս Կողմի նախապես տրամադրած գրավոր համաձայնության կամ ՀՀ օրենսդրությամբ նախատեսված դեպքերի:
- 7.2. Կողմերը պարտավոր են սույն Պայմանագրի գործողության, ինչպես նաև դրան հաջորդող 3 (երեք) տարիների ընթացքում, ապահովել համապատասխան տեղեկատվության գաղտնիությունը և պատշաճ պաշտպանությունը՝ գործադրելով առնվազն այնպիսի ջանքեր, ինչպիսիք կգործադրեին իրենց իսկ նման տեղեկատվության պաշտպանության համար:

## 8. ԵԶՐԱՓՈՒԿ ԴՐՈՒՅԹՆԵՐ

- 8.1. Սույն Պայմանագիրն ուժի մեջ է մտնում երկկողմանի ստորագրման պահից և գործում՝ մինչև Կողմերի համար դրանով նախատեսված պարտավորությունների ամբողջական և պատշաճ կատարումը:
- 8.2. Առկայության դեպքում, սույն Պայմանագրի Հավելված 2-ով նախատեսված հիմնական միջոցները, որոնք ձեռք են բերվում Կատարողի կողմից սույն Պայմանագրով նախատեսված Ծառայությունների մատուցման համար, անցնում են Պատվիրատուի սեփականությանը՝ սույն Պայմանագրով նախատեսված Ծառայությունների մատուցման ավարտին Կողմերի միջև ստորագրվող հանձնման-ընդունման ակտի հիման վրա:
- 8.3. Սույն Պայմանագիրը ստորագրող Կողմերի ներկայացուցիչները սույնով հաստատում են, որ ունեն բոլոր անհրաժեշտ լիազորությունները ստորագրելու սույն Պայմանագիրը և ներկայացնելու Կողմերին Պայմանագրով նախատեսված հարաբերություններում:
- 8.4. Կողմերից որևէ մեկն իրավունք չունի սույն Պայմանագրով սահմանված իր իրավունքներն ու պարտականությունները փոխանցելու երրորդ անձի՝ առանց մյուս Կողմի գրավոր համաձայնության:
- 8.5. Սույն Պայմանագրի բոլոր հավելվածները հանդիսանում են Պայմանագրի անբաժանելի մասը:
- 8.6. Սույն Պայմանագրի յուրաքանչյուր կետ կամ պայման իրենից ներկայացնում է առանձին և ինքնուրույն դրույթ: Եթե Պայմանագրի որևէ դրույթ դատական կարգով կամ այլ իրավասու մարմնի որոշմամբ ճանաչվի անվավեր կամ կատարման ոչ ենթակա, ապա սույն Պայմանագրի մնացած բոլոր դրույթները կպահպանեն իրենց ուժը, բացառությամբ ՀՀ օրենսդրությամբ նախատեսված դեպքերի:
- 8.7. Սույն Պայմանագրում ցանկացած փոփոխություն և լրացում վավեր է, եթե այն կատարված է գրավոր և ստորագրված է Կողմերի ներկայացուցիչների կողմից, կնքիք առկայության դեպքում նաև կնքված է:
- 8.8. Սույն Պայմանագիրը կարող է վաղաժամկետ լուծվել Պայմանագրով, ՀՀ օրենսդրությամբ նախատեսված հիմքերով և կարգով, ինչպես նաև Կողմերի փոխադարձ համաձայնությամբ: Պատվիրատուն իրավունք ունի ցանկացած պահի միակողմանիորեն լուծելու սույն Պայմանագիրը՝ այդ մասին առնվազն 10 (տաս) օրացուցային օր առաջ ծանուցելով Կատարողին: Պատվիրատուի նախաձեռնությամբ Պայմանագրի վաղաժամկետ լուծման հետևանքները կարգավորվում են սույն Պայմանագրով և/կամ ՀՀ օրենսդրությամբ՝ կախված այդպիսի լուծման շարժառիթ հանդիսացած հանգամանքներից: Կատարողի նախաձեռնությամբ ՀՀ օրենսդրությամբ սահմանված հիմքերի առկայությամբ պայմանավորված Պայմանագրի վաղաժամկետ լուծման դեպքում, Կատարողը պարտավոր է ամբողջությամբ հատուցելու Պայմանագրի վաղաժամկետ լուծման հետևանքով Պատվիրատուին պատճառված վնասները:
- 8.9. Պայմանագրի շրջանակներում Կողմերի միջև փաստաթղթերի, ծանուցումների առաքումը, տեղեկությունների փոխանակությունն իրականացվում է գրավոր կերպով՝ սույն Պայմանագրի

վավերապայմաններում նշված ծանուցման հասցեներով փոստային առաքմամբ կամ առձեռն հանձնելու միջոցով կամ Կողմերի համաձայնությամբ նախատեսված այլ եղանակներով:

- 8.10. Կողմերից յուրաքանչյուրի անվանման, հասցեի, վճարման կամ այլ վավերապայմանների փոփոխության դեպքում, համապատասխան Կողմը պարտավոր է այդ մասին պատշաճ կերպով գրավոր ծանուցել մյուս Կողմին՝ այդպիսի փոփոխությունից 5 (հինգ) աշխատանքային օրվա ընթացքում, հակառակ դեպքում՝ նախկինում տրամադրված վավերապայմաններով արված վճարումները, ուղարկված ծանուցումները համապատասխանաբար կհամարվեն ժամանակին կատարված կամ պատշաճ հասցեով ուղարկված:
- 8.11. Սույն Պայմանագրի կապակցությամբ ծագած վեճերը լուծվում են բանակցությունների միջոցով: Բանակցությունների արդյունքում համաձայնություն ձեռք չբերվելու դեպքում վեճերը լուծվում են դատական կարգով:
- 8.12. Սույն Պայմանագրի առարկային վերաբերող և սույն Պայմանագրով ուղղակիորեն չկարգավորված բոլոր հարաբերությունները կարգավորվում են ՀՀ օրենսդրությամբ:
- 8.13. Սույն Պայմանագիրը կազմված է հայերեն լեզվով, երկու հավասարազոր օրինակներից: Յուրաքանչյուր Կողմին տրվում է Պայմանագրի մեկական օրինակ

**ԿՈՂՄԵՐԻ ՎԱՎԵՐԱՊԱՅՄԱՆՆԵՐԸ ԵՎ ՍՏՈՐԱԳՐՈՒԹՅՈՒՆՆԵՐԸ**

**Պատվիրատու**

**«Հայաստանի հանրային հեռուստաընկերություն» ՓԲԸ**

Հասցե՝ ՀՀ, ք. Երևան, Գ. Հովսեփյան 26  
ՀՎՀՀ՝ 01540062  
«Ինտերբանկ» ՓԲԸ  
Հ/Հ՝ 2050022082671001

**Կատարող**

**«Բեգրաունդ փրոդյաքշն» ՍՊԸ**


Հասցե՝ ՀՀ, ք. Երևան, Անտառային փ. 160/14 8  
ՀՎՀՀ՝ 02676654  
«Էվոկարանկ» ՓԲԸ  
Հ/Հ՝ 16600559951800


**Հ. Մովսիսյան**

*Գործադիր տնօրեն*

**Վ. Պողոսյան**

*Տնօրեն*



<b>ՄԻՋՈՑԱՌՄԱՆ ԲՆՈՒԹԱԳԻՐԸ, ԾԱՌԱՅՈՒԹՅՈՒՆՆԵՐԻ ԱՐԺԵՔԸ ԵՎ ՎՃԱՐՄԱՆ ԿԱՐԳԸ</b>							
1	<p><b>Միջոցառման անվանումը</b></p> <p>«ՄԱՆԿԱԿԱՆ ԵՎՐԱՏԵՍԻԼ 2022» ԵՐԳԻ ՄԻՋԱԶԳԱՅԻՆ 20-ՐԴ ՀՈՐԵԼՅԱՆԱԿԱՆ ՄՐՑՈՒՅԹԻ ՇՐՋԱՆԱԿՆԵՐՈՒՄ ՄԱՍՆԱԿԻՑՆԵՐԻ ԿՈՂՄԻՑ ԿԱՐՄԻՐ ԳՈՐԳՈՎ ԱՆՑՆԵԼՈՒ ՊԱՇՏՈՆԱԿԱՆ ԱՐԱՐՈՂՈՒԹՅՈՒՆ (RED CARPET EVENT)</p>						
2	<p><b>Միջոցառման բնութագիրը</b></p> <p>Կարմիր գորգի վրա կանգնած են լինելու Մրցույթի հաղորդավարները: Կարմիր գորգով սկսում են անցնել Մրցույթի մասնակիցները (ըստ այբբենական հերթականության), մոտենում են հաղորդավարներին, տեղի են ունենում յուրաքանչյուր մասնակցի հետ անհատական փոքրիկ հարցազրույցներ, որից հետո մասնակիցները հերթականությամբ մոտենում են Ազգային պատկերասրահի շենքին (Որմնանկարների սրահ), որտեղ կլինի հատուկ բեմ, հյուրասիրություն, և այլ հարմարանքներ: Վերջին մասնակցի հետ Ազգային պատկերասրահի շենք են մտնում նաև հաղորդավարները: Այնուհետև տեղի է ունենում վիճակահանություն, որի շրջանակներում կորոշվի, թե որ երկրի մասնակիցն է հանդես գալու առաջին համարի ներքո, վերջին համարի ներքո, և թե որ համարի ներքո է հանդես գալու այս տարվա Հայաստանի պատվիրակը:</p>						
3	<p><b>Միջոցառման նախնական էսքիզը</b></p> 						
4	<p><b>Պայմանագրի ընդհանուր արժեքը</b></p> <p>14 736 000 (տասանչորս միլիոն յոթ հարյուր երեսունվեց հազար) ՀՀ դրամ, ներառյալ հարկերը:</p>						
5	<p style="text-align: center;"><b>Վճարման ժամանակացույցը</b></p> <table border="1" style="width: 100%; border-collapse: collapse;"> <thead> <tr> <th style="text-align: center;">Վճարվող գումար (ՀՀ դրամ)</th> <th style="text-align: center;">Վճարման ժամկետ (ներառյալ)</th> </tr> </thead> <tbody> <tr> <td style="text-align: center;">60% որպես կանխավճար</td> <td>Մինչև 2022 թվականի նոյեմբերի 30-ը ներառյալ</td> </tr> <tr> <td style="text-align: center;">Հանձնման-ընդունման ակտով</td> <td>Միջոցառման հանձնման-ընդունման ժամանակ համապատասխան հանձնման-ընդունման ակտերի և հաշիվ-վավերագրերի/հարկային հաշվի երկկողմանի</td> </tr> </tbody> </table>	Վճարվող գումար (ՀՀ դրամ)	Վճարման ժամկետ (ներառյալ)	60% որպես կանխավճար	Մինչև 2022 թվականի նոյեմբերի 30-ը ներառյալ	Հանձնման-ընդունման ակտով	Միջոցառման հանձնման-ընդունման ժամանակ համապատասխան հանձնման-ընդունման ակտերի և հաշիվ-վավերագրերի/հարկային հաշվի երկկողմանի
Վճարվող գումար (ՀՀ դրամ)	Վճարման ժամկետ (ներառյալ)						
60% որպես կանխավճար	Մինչև 2022 թվականի նոյեմբերի 30-ը ներառյալ						
Հանձնման-ընդունման ակտով	Միջոցառման հանձնման-ընդունման ժամանակ համապատասխան հանձնման-ընդունման ակտերի և հաշիվ-վավերագրերի/հարկային հաշվի երկկողմանի						

փաստացի մատուցված Ծառայությունների ընդհանուր արժեք	ստորագրվելուց և սույն պայմանագրի 2.2. կետով սահմանված ժամկետում փաստաթղթերի գնահատումից հետո 5 (հինգ) աշխատանքային օրվա ընթացքում:
---	---

**ԿՈՂՄԵՐԻ ՎԱՎԵՐԱՊԱՅՄԱՆՆԵՐԸ ԵՎ ՍՏՈՐԱԳՐՈՒԹՅՈՒՆՆԵՐԸ**

**Պատվիրատու**

**«Հայաստանի հանրային  
հեռուստաընկերություն» ՓԲԸ**

Հասցե՝ ՀՀ, ք. Երևան, Գ. Հովսեփյան 26  
ՀՎՀՀ՝ 01540062  
«Ինեկորբանկ» ՓԲԸ  
Հ/Հ՝ 2050022082671001

**Հ. Մովսիսյան**

*Գործադիր տնօրեն*


**Կատարող**

**«Բեգրաունդ փրոդյաքշն» ՍՊԸ**

Հասցե՝ ՀՀ, ք. Երևան, Անտոռային փ. 160/14 8  
ՀՎՀՀ՝ 02676654  
«Էվոկաբանկ» ՓԲԸ  
Հ/Հ՝ 16600559951800

**Վ. Պողոսյան**

*Տնօրեն*

Հավելված 2  
18 նոյեմբերի 2022թ.-ին ստորագրված  
N ՀՀՀ-ՄԱԾՁԲ-22/82-Պ պայմանագրի

**«ՄԱՆԿԱԿԱՆ ԵՎՐԱՏԵՍԻԼ 2022» ԵՐԳԻ ՄԻՋԱԶԳԱՅԻՆ 20-ՐԴ ՀՈՐԵԼՅԱՆԱԿԱՆ ՄՐՑՈՒՅԹԻ ՇՐՋԱՆԱԿՆԵՐՈՒՄ ՄԱՍՆԱԿԻՑՆԵՐԻ ԿՈՂՄԻՑ ԿԱՐՄԻՐ ԳՈՐԳՈՎ ԱՆՑՆԵԼՈՒ ՊԱՇՏՈՆԱԿԱՆ ԱՐԱՐՈՂՈՒԹՅԱՆ (RED CARPET EVENT) ՆԱԽԱՀԱՇԻՎ**

Հ/Հ	Ծառայության տեսակ	Ծառայության արժեք (ՀՀ դրամ)
1	Կարմիր գորգ /360 քմ/ և տեղադրում	2900000
2	Կարմիր գորգի սկզբնամասում մեծ տպագրական ետնապատի տեղադրում՝ մասնակիցների կարմիր գորգով անցնելու համար գեղեցիկ ֆոն ապահովելու նպատակով	200000
3	Հայաստանի ազգային պատկերասրահի կենտրոնական մեծ կամարից դեպի գլխավոր մուտք տանող բաց նախամուտքի աջ և ձախ հատվածների, ներսի գլխավոր նախասրահի աջ և ձախ հատվածների, վիճակահանության համար նախատեսված՝ Հայաստանի ազգային պատկերասրահի որմնանկարների սրահի մուտքին հարող նախասրահի աջ և ձախ կողմերում բաներային ձևավորում	600000
4	Հայաստանի ազգային պատկերասրահի գլխավոր մուտքի, գլխավոր նախասրահի, դեպի դահլիճներ տանող միջանցքների և որմնանկարների սրահի երեք հատվածների մեղմ լուսավորություն	1400000
5	Վիճակահանության համար նախատեսված՝ Հայաստանի ազգային պատկերասրահի որմնանկարների սրահի կենտրոնական հատվածում (4X7 չափի) բեմի տեղադրում	160000
6	Բեմի բրենդային ձևավորում	70000
7	Բեմի ծայնային համակարգ	800000
8	Բեմի ետնամասում մեծ (4x6 չափի) ԼԵԴ էկրանի տեղադրում	960000
9	Վիճակահանության համար նախատեսված՝ Հայաստանի ազգային պատկերասրահի որմնանկարների սրահում թափանցիկ աթոռներ (150 հատ)	450000
10	Վիճակահանության համար նախատեսված՝ Հայաստանի ազգային պատկերասրահի որմնանկարների սրահում պուֆիկներ (50 հատ)	500000
	Վիճակահանության համար նախատեսված՝ Հայաստանի սոսահին աստղերասրահի որմնանկարների սրահի	60000

**«ՄԱՆԿԱԿԱՆ ԵՎՐԱՏԵՍԻԼ 2022» ԵՐԳԻ ՄԻՋԱԶԳԱՅԻՆ 20-ՐԴ ՀՈՐԵԼՅԱՆԱԿԱՆ ՄՐՑՈՒՅԹԻ  
ՇՐՋԱՆԱԿՆԵՐՈՒՄ ՄԱՍՆԱԿԻՑՆԵՐԻ ԿՈՂՄԻՑ ԿԱՐՄԻՐ ԳՈՐԳՈՎ ԱՆՑՆԵԼՈՒ ՊԱՇՏՈՆԱԿԱՆ  
ԱՐԱՐՈՂՈՒԹՅԱՆ (RED CARPET EVENT) ՆԱԽԱՀԱՇԻՎ**

Հ/Հ	Ծառայության տեսակ	Ծառայության արժեք (ՀՀ դրամ)
1	Կարմիր գորգ /360 քմ/ և տեղադրում	2900000
2	Կարմիր գորգի սկզբնամասում մեծ տպագրական ետնապատի տեղադրում՝ մասնակիցների կարմիր գորգով անցնելու համար գեղեցիկ ֆոն ապահովելու նպատակով	200000
3	Հայաստանի ազգային պատկերասրահի կենտրոնական մեծ կամարից դեպի գլխավոր մուտք տանող բաց նախամուտքի աջ և ձախ հատվածների, ներսի գլխավոր նախասրահի աջ և ձախ հատվածների, վիճակահանության համար նախատեսված՝ Հայաստանի ազգային պատկերասրահի որմնանկարների սրահի մուտքին հարող նախասրահի աջ և ձախ կողմերում բաներային ձևավորում	600000
4	Հայաստանի ազգային պատկերասրահի գլխավոր մուտքի, գլխավոր նախասրահի, դեպի դահլիճներ տանող միջանցքների և որմնանկարների սրահի երեք հատվածների մեղմ լուսավորություն	1400000
5	Վիճակահանության համար նախատեսված՝ Հայաստանի ազգային պատկերասրահի որմնանկարների սրահի կենտրոնական հատվածում (4X7 չափի) բեմի տեղադրում	160000
6	Բեմի բրենդային ձևավորում	70000
7	Բեմի ձայնային համակարգ	800000
8	Բեմի ետնամասում մեծ (4x6 չափի) ԼԵԴ էկրանի տեղադրում	960000
9	Վիճակահանության համար նախատեսված՝ Հայաստանի ազգային պատկերասրահի որմնանկարների սրահում թափանցիկ աթոռներ (150 հատ)	450000
10	Վիճակահանության համար նախատեսված՝ Հայաստանի ազգային պատկերասրահի որմնանկարների սրահում պուֆիկներ (50 հատ)	500000
11	Վիճակահանության համար նախատեսված՝ Հայաստանի ազգային պատկերասրահի որմնանկարների սրահի մուտքից աջ գտնվող բաց կամարի քողարկում	60000





ԸՆԴԱՄԵՆԸ							
Շահույթ							
ԸՆԴԱՄԵՆԸ							
Շրջանառության հարկ							
ԸՆԴԱՄԵՆԸ							

**Կատարող**

« »  
 Հասցե՝  
 ՀՎՀՀ՝  
 Բանկ  
 Հ/Հ՝

Տնօրեն

Կ.Տ

»:

**Պատվիրատու**

**«Հայաստանի հանրային հեռուստառնկերություն» ՓԲԸ**

Հասցե՝ ՀՀ, ք. Երևան, Գ. Հովսեփյան 26  
 ՀՎՀՀ՝ 01540062  
 «Ինտերբանկ» ՓԲԸ  
 Հ/Հ՝ 2050022082671001

**Հ. Մովսիսյան**  
 Գործադիր տնօրեն



**Կատարող**

**«Բեգրաունդ փրոդաքշն» ՍՊԸ**

Հասցե՝ ՀՀ, ք. Երևան, Անտառային փ. 160/14 8  
 ՀՎՀՀ՝ 02676654  
 «Էվոկաբանկ» ՓԲԸ  
 Հ/Հ՝ 16600559951800

**Վ. Պողոսյան**  
 Տնօրեն

